

ESKUBALOIA. Lisboan ateak itxita jokatu du

Portlandek ez zuen arazorik izan Barakaldori irabazteko

BARAKALDO	25
PORTLAND	32

Barakaldo: Uriarte, De Toro (5, 1p), Veselinovic, Kovalev (5, 1p), Pardo, Santos (4), Aurrekoetxea (3)—hasierako zazpikoa, Peg, Bueno (2), Peciña (1), Muñoz, (2), Rodriguez (1), Pedersen (2).

Portland: Hombrados, Mainer (3), Ortigosa (8), Martin, Richardson (3), Iakimovix (9, 3p), Juancho Perez—hasierako zazpikoa—, Garralda (7), Kisselev, Bulligan, Beuchler.

Atsedendian: 10-15

Arbitroak: Ayesta eta Tejedor. Bi minutuko zigorra: Kisselev, Juancho, Santos (2).

Erredakzioa | **BILBO**

Itxura ona eman nahi zuen Barakaldok Portlanden aurka, eta gogotik saiatu ziren Riveroren jokalaria, baina Portlandek ez zuen bi puntuak lortzeko aparteko arazorik izan. Gainera, Roquetasek 29-30 irabazi zion Pilotas Posadari eta bizkaitarrei aurea hartu diete. Orain Barakaldo sailkapeneko azken postuan da, Pilotasekin berdinduta. Bestalde, Portlandek Lisboan jokatu beharreko partida ateak itxita izango da azkenean, Europako Eskubaloia Federazioak hala erabakita.

ESKUBALOIA. Khodkovek zortzi gol egin zituen

Esku hutsik itzuli arren, Bidasoak neurria eman zuen

CIUDAD REAL	25
BIDASOA	22

Ciudad Real: Nuñez, Trives (-), Lubian (3), Urios (5), Duixebaev (6), Ortega (4) e Iker Romero (3, 2 p.)—hasierako zazpikoa—, Wiechers, Fog (3), Pogorelov, Julio Muñoz (1), Perez Canca eta Hjermin.

Bidasoa: Barreto, Cazal (4), Lendvay (4), Juan Dominguez (6, 1p.), Paredes, Asier Antonio, Fredsgaard—hasierako zazpikoa—, Khodkov (8), Julen, Eduardo Dominguez, Raul, Josemi Marcos eta David.

Atsedendian: 16-12.

Arbitroak: Gorjon Avila eta Rios Martin.

Erredakzioa | **DONOSTIA**

Liderraren etxean irabaztea beti izaten da erronka zaila, baina Bidasoa azkenaldian maila ona ematen ari da, eta bazuten Ciudad Realdik zerbait ekartzeko itxaropena. Leonen Ademarren aurka gertatu ez bezala, atzo Bidasoak aurre egin zion aurkariari, eta ez zuen inoiz partida galdutzat eman. Bigarren zatian hasieran Bidasoak partida berdindu zuen, 0-3ko partziala eginda. Ciudad Realek gogotik egin behar izan zuen lana berriro aldea egiteko, azken unea arte irundarrak ez baitzuten amore eman.

FUTBOLA. Txapeldunen Ligaren hurrengo saioa, otsailaren 19an

Manchester, hiru gol eta berpiztuta

Boavistaren kontura lider da talde ingelesa

Erredakzioa | **DONOSTIA**

Ingalaterrako Ligako zauriak atzean utzi, eta Manchester atzo Txapeldunen Ligan A multzoko lider jarri zen Boavistari 3-0 etxean irabazi ondoren. Ruud van Nistelrooy-k bi gol egin zituen, eta beste Laurent Blanc-ek egin zuen. Modu horretan Alex Fergusonen taldeko jarraitzaileek irrifarrea berreskuratu zuten, Boavista atzora arte multzoko lider izan arren. Orain ingelesak dira lider, Bayern Munichekin puntutara berdinduta egon arren gol gehiago sartu dituztelako.

Alemaniarrek atzo Naoned hartu zuten mendean. Bayernek, Manchesterrek bezala, Ligako emaitzak txarrak atzean utzi, eta indarra erakutsi du Txapeldunen Ligan. Gola Paulo Sergiok sartu zuen, eta horri esker Ottmar Hitzfelden taldeak oraindik txapelduna dela utzi zuen agerian, eta aurreko den-

boraldian lortutako titulua ez duela uzteko asmorik. Naoned Frantziako Ligan azkena da une honetan, eta bere multzoan ere azkena da orain arteko bi partidak galdu baititu. Aukera gutxi geratzen zaizkio Naoned.

Bartzelona markagailuari buelta emateko zorian izan zen

Bartzelonak, bere aldetik, B multzoko lider jarraitzen du, baina atzo datozen hilabeteak sailkapena ia eskuan duela pasatzeko aukera galdu zuen. Ezin izan zuen Galatasaray menderatu, eta gainera galdu ez zutela-eta eskerreak eman beharko dituzte, 0-2 galtzen hasi baitzen. Gero, ordea, Saviolak bi gol sartu eta berdinketa lortu zuen, baina kataluniarrak hiru garren golaren bila aritu baziren ere ez zuten lortu. Multzoko azkena Liverpool da atzo ere ez baitzuen irabazterik lortu, 0-0 amaitu zuten Erromak eta ingelesak partida makal batean.

TXAP. LIGA

A MUL.	Pt	J	I	B	G	A	K
1. Manch. U.	4	2	1	1	0	4	1
2. Bayern M.	4	2	1	1	0	2	1
3. Boavista	3	2	1	0	1	1	3
4. Naoned	0	2	0	0	2	0	2

Atzoko emaitzak:

Manchester U. 3-0 Boavista

Naoned 0-1 Bayern Munich

B MUL.	Pt	J	I	B	G	A	K
1. Bartzelona	4	2	1	1	0	5	3
2. Galatas.	2	2	0	2	0	3	3
3. Erroma	2	2	0	2	0	1	1
4. Liverpool	1	2	0	1	1	1	3

Atzoko emaitzak:

Bartzelona 2-2 Galatasaray

Erroma 0-0 Liverpool

C MUL.	Pt	J	I	B	G	A	K
1. Real Madril	6	2	2	0	0	6	2
2. Sparta P.	3	2	1	0	1	3	3
3. Porto	1	2	0	1	1	0	1
4. Panath.	1	2	0	1	1	0	3

Herenegungo emaitzak:

Porto 0-1 Sparta Praga

Real Madril 3-0 Panathinaikos

D MUL.	Pt	J	I	B	G	A	K
1. Juventus	3	2	1	0	1	5	3
2. Arsenal	3	2	1	0	1	3	3
3. Bayer L.	3	2	1	0	1	3	4
4. Deportivo	3	2	1	0	1	2	3

Herenegungo emaitzak:

Arsenal 3-1 Juventus

Bayer Leverk. 2-0 Deportivo

2001eko abenduaren 31 bitartean...

ARGIA astekariaren urte beteko harpidetza...

~~17.300 pta.~~ 10.000 pta. 500 lib. ~~828 lib.~~

Billete hauek euskaraz agurtzeko ARGIAren eskaintza euroa



Harpidetza egiteko

☎ 943 37 15 45

harpide@argia.com

edo Durangoko Azokan

Eta harpidedun eginez gero,
mapa hau doan eskuratuko duzu
Durangoko Azokan



kultur **errota**
 biraka dabilen harria sorhantzen ari den herria

ANJE DUHALDE
 Pasaian (Amasa)
 01-12-07 ostirala
 Kultur Etxean
 22:00etan

KARIDADEKO BENTA
 Gasteizen (Geu Gasteiz)
 01-12-11 asteartea
 Parralean
 20:30etan

KULTUR Arlozabal 8 bis
 Muntzaraz Auzoa
 48220 Abadiño

ERROTA e-mail:errotat@topagunea.com
 tf: 94 621 59 68

TOPAGunea